



Serving Canadians

Ga XaaydaGa Gan gina t'ang tllga kaayts'id gina Gaagan id Gids

Huu tluu iid kil 7waaga

Kanada XaaydaGa Gan t'ang 7waa. Kanada gin'ah, gaayGa t'ang kyats'ii ad king, da Kanada sah ad gudang, ah gang, ang. Ad XaaydaGa gii tllGad Gan unsidaay, kuuyada ad xang, ahl haak'wanuu wassii yahk'aay gina xaaynang, a iid Gaaduu chiiGas ad ll guuding, aay Gan iid yahgudang ah tllgaay ahwaay, yad iid tllga ga chhiGas.

Id gyaaGa hlGang.guhlGayaay

T'alang,uu tllgaay tl' kaaganda guudas Gan kaayts'id llaayGalang ga GiihlGalang laanaay waadluxan. Siigaay ad sk'wa kant'ajaay waadluxan Kanada tllgaay t'ijii Ganah.

Tllga k'aaysguuxan sda k'aaw kaas Gan uu id kaayts'id llGaayGalang ga, Ah tllgaay kiixas ad sk'aadGa ad xaang, aajii hluu ad guuding, aay k'alts'ii Gan k'iiwaay t'ang tll Gaasdll.

Gud ad id isis, gud ad t'ang hlGang, Guulxa kuuyas gina t'ang yahda id gya7ah Gaang, ah XaaydaGa waadluxan, Daagwiyagaay id gya7ah gud iila ad id yahk'aay tl' suuda Ganah tluu xaaynangahgaay ang, Gah tl' kilguhlgas tllga k'aaysguuxan llnagaay ga.

T'alang uu giihlGalang llGaayGalang id gya7ah tllgaay ad id gya7ah xaaydaGaay gina iijang, as ad xiilang, da ga Kanada ad xiilang, da.

Gina t'ang isdas suudayaay

Ga tllxanda uu is tlaagang, huu tluu Gid gii gang ad gina7a Ga llaana aang t'ang sk'aadaagadas llaana huu kyangGa gii waagii kilxii gang, daagwiiyah ad dlaan.

Id gya7ah tllga k'aaysguuxan Gaaduu gina Gaagan ad gina haana tl'ad kiingdasang xaaydaGa guuding, aay k'ii gina tl' gud GiihlGii ad tl' giihlGalang Gas sang, Id gya7a Kanada Giiyu id tl'a gina daahlGahlda gan

Id gya7a Kanada, gina tl' kuuyaadas ad tluu tl'll Giid, xaaynang, Gasdll daaga gina Gan unsid ad guuding, aay tl'aats'iiga Kanada Xaaydagaay, kunasda gina kiingda, iid kuuniisii sda gina tl' sk'aadGa gan xang, ahl siing, ay tllga ging gud 'laa.

Kanada XaaydaGa giiyu gud ad hlGang, guulxayaay aang, a Giisda gina 'laa guudllas t'alang tl' GiihlGii, 7ahgan t'alang gyaa Gaay, ya gina t'alang isdas, gina tl' kuuyadas Gan 7ahgan yahgudang ad guuding, aay t'alang hiiGada ga.

Haida

